

鐔

墟

堂

摘

稿

鐔墟堂摘稿卷之十五

明光祿大夫太子太傅工部尚書豐城古和雷禮著
墓表一

少司寇王巖周公墓表

吾師王巖周公於嘉靖辛卯八月二十六日卒于
留都官舍越癸巳八月二十六日葬于新塘之原
在崑城東西陬三十里蔚遲村南少宗伯高陵呂
公撰神道碑備詳公之行節槩永垂不朽獨念某
為公門生欲展墓以成愼無繇也公盛美不

思所以表之耶公諱庸子充之別號三巖姓周世
居崑山吳川鄉司馬潛今隸太倉州自幼性靈穎
非常讀書一見輒誦異群兒年十四父贈刑侍以
章公卒卒後五年補邑庠家貧甚僦屋城中陋巷
家徒四壁所配張淑人躬紡績以給饗飧每隆冬
大雪身衣大布袍無著纊陸大淑人方就養伯兄
一之所公每徃省草履徒步數十里竟日或不得
一食益奮志嗜學淹貫群籍攻文詞御史東原方
君按試異之令有司周其匱乏自是衣食稍殖即

迎養大淑人弘治辛酉舉于鄉明年會試弗第道
國學大司成楓山章公甚加器重首詔以務實之
學於是公益潛心體認多所自得乙丑第進士兵
部觀政覩大司馬東山劉公秉直道即慕效之以
名節自砥礪旣授知莆田道出閩省例謁鎮守時
守令謁者類持重賄始得謁入公徒手至門門者
沮之公直入見鎮守風稜不可撓抵莆田正身蒞
下以子賤治莒為師禮賢士大夫及延耆老咨民
情利病興革之一切問道請寄并私書格不納期

月母卒于官貧無棺殮藩內斂創始克昇歸以塋
服闋改知吉水勤恤民隱尚風化剗煩冗吏胥
無敢弄手適贛賊自大帽山突出由雩都抵新淦
執守臣入水豐縱火焚縣治勢甚猖獗逼吉水守
巡束手無策丞簿懼欲奔公叱入以死自誓要盟
神祠衆志始定各出死力捍賊斬獲數十人賊遂
引去邑賴以完後藩臬上公功督府漏公不及公
亦漠然正德壬申以治行徵擢浙江道監察御史
視職踰兩日憂朝綱廢弛國本未定群奸居中用

事巨寇流劫未平乃抗疏事一斥喇嘛僧出自
西番殘破禮法恣肆淫慾宜投之四裔以禦魑魅
二遠伶人不復籍之禁宮至引唐莊宗事爲戒三
重國本以廣儲嗣不得育螟蛉義子如寢堅蒼頭
錢寧者其投刺皆書曰主庶子僭擬東宮之罪擢
髮難數四嚴軍令言禦寇不職大臣率皆褒賞優
容而武將又不誅其不用命者故功成無日宜降
旨戒勅寬其宿愆責以來勅疏入錢寧大怒欲下公詔
欲幸上不深罪止謫懷遠驛丞寧遣邏卒緝與公

同事者不可得陰使刺客順道而徂欲遮刺公公
微服出城由間道走僻壤變易姓名被道人服誦
觀音經枵腹三日乃得脫歸抵懷遠奔無館舍寓
居佛宮讀書間招同志者泛崖門登西樵跨羅浮
夷猶白雲之巔驛通番禺朝貢每外夷使者至咸
慕公名或獻以奇貨公峻却使益敬憚武定侯郭
勛擅作威福易視中丞以下公獨與抗禮辭召見
却餽遺勛銜之刼辱公幾殆不輒懾沮甲戌移知
建昌縣值宸濠蓄異志謀復護衛遣使絡繹經建

昌肆行徵求公裁革不與民賴以蘇丙子八月吏部擬擢憲職錢寧內構陷批根往事復謫公竹寨驛丞公携次子士淹抵竹寨在深山叢棘中亦無驛舍居民數家無所寄止乃誅茅為屋依山面沅日與其徒講學論道暇則陟崇岡臨幽壑超然遠覽無所顧慮一夕夢老人拄杖以往問其年曰八十矣詰旦偶展大雅見抑之篇忽頓悟嘆曰夜夢老人者非衛武公耶全令德而堅晚節當不在是乎遂扁抑齋以自儆辛巳

今上即位首舉遐逸詔復公御史尋陞江西按察僉事
公至黜貪吏䟽滯囚去淫祀放尼姑數百人歸之
宗市其菴足益府墻地之費不以煩民民阻饑
輒發倉廩以賑之明年轉九江兵備副使尋改督
江西學校以身率士務明義利校藝必參德行以
為高等會

廷議采天下藩臬守令治行卓異者凡十三人

降璽書褒嘉公與其一嘉靖乙酉陞福建按察使閩罹
旱荒遠鄉群聚奪攘相迹齊民惴惴不自保公弗

震弗渝嚴勅巡官邏卒密捕渠魁十數人實之法
群無良者聞之畏怖不敢犯已乃廣賑貧民無用
妄又申勅憲章釐革宿弊每遇讞獄先齋戒禱神
祈禱開釋冤抑及閱狀叅伍反覆求得其情刑是
不濫初至鎮守中官以金遺公漫不省置諸庫鎮
守窘甚徐返其金因以綱條諭之鎮守畏服後中
官督織造者無詣藝香靈濟廟挾朝命橫索民財
有司莫敢抗公亟移文禁止之復繩其奴從不得
侵牟於民民謠曰御史木鉄刀廉使真元老傳頌

中外按閩三年擢都察院右僉都御史撫江西公振紀肅百僚凜不敢犯至商論政務則虛心延納不憑臆決屬吏有廉能者亟為薦揚尤如意民瘼不吐疆禦知富豪買民田多遺原稅不過割民困大困下令履畝覈實欲以奏聞豪右不便交訾當道遂援裁革例罷公巡撫公因乞休

上雅知公賢命吏部擢用已乃遂陞南京刑部右侍郎越二年寢疾適三子士淳士淹士洵皆應試留都公令治後事且曰吾平生間關百挫屢瀕於死而

不死今死于此命也爾等慎勿俯仰當路乞葬
怡然而卒壽五十有八公性端莊峻廉隅動與時
忤自謫嶺南以後志益沉潛與物輒平其私憾蚤
年貧不自給及三仕為縣令屢進至卿貳不妄取
與簪巾布袍若儒生政暇輒焚香危坐取古人言
一一印正於心務求實踐為詩文平淡馴雅自成
一家有集九卷藏於家某自童年辱公拔育邑庠
無緣朝夕請益及壬辰叨第而公已不可作矣然
感作養厚恩耿耿在念今於公孫邦柱得閱公行

實及名賢贈言如棠陵方君豪謂玉立千仞之巖
至進賢梓溪舒君又比之於呂獻可汲長孺蓋知
公之深者也夫以公之剛直求貞所在許崔要而
砥柱屹如信不忝於長孺若夫錢寧輩執熟柄威
制文武大吏使宸濠之變不激於中而作遽即平
吾恐交通內應禍有不可勝言者自公䟽一入靜
折奸萌消變未形而力少功倍不有加於呂獻可
乎予固採諸輿論表其揭揭者於墓庶式于此者
仰公不二之忠蓋雖死如生非徒門生景慕之私

而已

河南叅政王遵巖墓表

遵巖王先生既卒，塋其婿會稽尹莊君杜求予表其墓。思昔壬辰之年，先生官吏部節操文學，為時推目。予方釋褐，偶以文字相知。見先生立志遠大，不翕翕以相驩，亦未嘗悻悻以相忤。意必入贊邦經建不朽業，乃一蹶二十餘年，竟弗起耶？先生諱慎中，字道思，別號遵巖，泉州晉江人也。幼稟異質，讀書目誦數千言，輒了悟，不煩師解。年十四，補弟

子郡守葛公見所試舉子業奇之曰兒異日當爲天下士詎取科第已耶十七舉於鄉明年嘉靖丙戌第進士疏乞歸娶二十赴銓授戶部主事監兌通州舊以覈糧額虧虛爲稱職多操一切先生惻然曰運卒疲轉輸極矣不厚加優卹徒刻削爲耶取宿猾故爲留滯者懲之不輕貸一日覩糧胥以浥爛告先生曰此船漏所致非彼罪也但不宜久貯爾卽給散於軍曰此一軍所虧粟粒耳可以免賠償者幾何人於是運卒相慶曰王大人活我其

曲悉人情類此差滿調禮部祠祭司時

天子崇祀典多始創無故牘可稽太宗伯命先生起草
獨推原禮意揆時折中雅稱

上旨辛卯鄉試廷議以京朝官主各省試事勅先生主
試領南善鑒別越歲壬辰所取士林大欽果廷對
魁天下尋轉主客員外郎會

詔取文學士充館職輔臣欲羅致先生使人喻意先生
固不往謁竟為所沮又因屬人望改吏部考功員
外郎以塞之未幾陞驗封司郎中時少宰元厓霍

公韜與輔臣有宿憾每於衆中譽先生同列附輔
臣指其擠之因先生疏論封典坐以變更成法謫
判常州值江陰缺令撫按欲擬署篆疑先生必辭
先生喜得親民事自效請檄以行延見耆老審所
宜利者注措之即米鹽事不憚煩邑有高姓者怙
勢侵牟鄉民習為奸市先生庶得其狀寘之獄併
鈎摘諸不逞者並伏其辜邑用肅然未幾陞南京
戶部主事禮部員外郎尋轉山東僉事提督學校
先生敦風教以身為標齊魯故事學官遷上官類

跪與臺前不以禮處廼諭之曰師必自重而後可
以教人若輕其師是輕其教也令以士禮相見校
士秉至公不徇舊案所識拔者多為時聞人踰年
轉江西叅議值

章聖梓宮由九江入楚下吏懼誤供給有棄職以逝者
先生往董其事裁約以禮人不知疲繼陞河南叅
政屬歲大饑

天子遣戶部侍郎王公杲賑卹王公見先生發廩平糶
有方活民數萬具以狀聞且薦其可大用會辛丑

大計吏治輔臣故請先生又因巡按在江西謁輔
臣先祠以奠文安先生蓋其意所屬也先生固辭
遂銜甚因考察諷銓部銓部重違其意而外憚公
論姑以不及擬調內批竟報罷士論共惜之先生
聞報無愠色以獲侍父母為樂父方渠公捐養衰
幾減生事母左右承歡雖貴且老不弛勞事兄如
其父撫二弟以家學切磨弟惟中以所得取戊戌
進士官至南京太僕寺少卿居家悄然閉戶取聖
學宗旨以自鏡日以所得引誘後進易其耳目訓

詰之陋隨其所扣皆虛往實歸四方聞而興起者以不及門為歎凡觀風茲土者必式於其廬或大事刊金石并秋闈錄序必借重先生以其言足垂訓云予嘗槩先生繁履初束髮登朝抵掌談天下事謂事無不可為為之無不如吾願視時諸著名者嶽嶽無所讓其諸著名者亦莫不前先生及發為文詞亦因性資英邁藝林英華馳騁秦漢六朝上下而奇氣逸發變態百出不可繩律後經遷謫轉徙反究實踐豁然有悟本真渣滓盡融於是

金史卷一百一十一
造詣益邃窮制作之妙不爲綺靡語古雅醇深動
關世教識者謂登歐魯之堂而入其室亶其然乎
嗟夫天生俊乂爲世用也先生崛起閩中桀然自
見其才而不自滿足勇於求道卒底大成使假之
重柄必能以求道者立功業而不安於卑近乃爲
羯獫所抵猜無以竟其所蘊何哉昔人謂子厚寓
柳州而文思日進是天假此以成其名也今先生
雖坎軻於世而靜居見天真片言緒論流布於海
內者足以感發後學以求自得而知俗套之不足

貴謂造物者得無意乎先生生於正德己巳九月
二十七日卒於嘉靖己未七月十七日享年五十
一塋

都溝邊山之原先生所自卜也其世
系見於太僕君墓誌銘茲不詳敘本其德行學術
之大者表於其墓使世之人過此知秉道守正如
先生雖遭罹詭構不及大用而天爲斯文起衰反
弊以垂不朽者非人力所幾也彼怙勢竊權赫視
一世者雖能擯抑先生而不能奪其不朽之聲名
徒爲世憎斥豈無感慨也耶

陝西叅政李荊陽墓表

荊陽李公於嘉靖癸丑九月四日卒于家塋釣州城北六盤山少傅大學士南渠李公誌其墓矣至是公弟少司空方村謂予忝同年以表請夫有善不揚非所以勸後矧同年之善忍使其泯湮無聞已耶公諱秉雲字子雨河南鈞州人也自少穎特不凡讀書日誦數千言十二能屬文為弟子員每遇典學使者試輒高等嘉靖辛卯舉于鄉壬辰第進士授行人拜監察御史掌忤內帑督長蘆鹽課

類持風裁搜剔奸蠹審所利便者行之人多畏憚
不敢犯未久以憂去服闋補江西道直

九廟災公以災初發勢猶可力撲責在宿衛二三侍臣
上疏諸怠事者劾國勛在劾中日從

上前泣訴不平遂逮公下詔獄謫判大倉州公喜親民
事不忍劾他謫官爲養望態會守缺親州牒延耆
老詢民所疾苦井井規畫不遺力吏書故善舞文
公每事檢識遇姦伏輒摘發莫敢弄手州有吏瘦
民肥書辦恒饑之謠舊牘海濱有坐盜五十家公

庶其情令里居召之悉至竟以枉白得不死者百
餘人後遷知蒲州值宗藩暴恣多蓄無賴為不法
而祿糧又苦弗繼公嘆曰吾守斯土不能時其祿
以厚之徒繩其下人是滋橫也力徵逋負充給逮
諸不法者寘之典於是宗藩懷戢州賴以寧時治
狀聞于

朝籍甚平陽一郡士民爭欲徼公惠司銓者從人心
推知郡事去之日父老遮道泣車至不能行公鍊
吏事疆毅有執守公牘盈前不移時立判謂安民

在吏擇賢能獎勵之於耗亂不恪者不輒貸以故
吏稱其官民皆樂業治行爲諸郡最臺章交薦擢
山西按察司副使時境多烽火公守代州日夜繕
兵峙糗嚴條約慎邏謀虜竟不敢犯已又調霸州
兵備值虜內侵公身擐甲胄冒矢石十餘日三河
圍急率衆登城力抗及見避難者無依乃開門引
納人給食飲城賴無虞全活不下數萬人尋擢陝
西右叅政因驛傳困甚清理積弊民大蘇又

御用毳服積猾鼠竊其間莫可究詰公加意節縮省費

不貲未幾以疾䟽歸歸二月竟不起距生正德丁
卯七月十一日享年四十有七李自七老生剛剛
生全全生公父延皆隱德不仕延始以公貴封文
林郎山東道監察御史今以少司空貴屢贈工部
右侍郎配周氏屢封恭人今贈太淑人公有弟六
人長即少司空諱登雲登乙未進士次凌雲登戊
戌進士湖廣按察司副使次披雲例援金吾右衛
指揮僉事次望雲早卒次慶雲州學生燦雲國子
生娶劉氏封恭人生二子長芬舉人次蔚早卒女

四公性孝友崇儉約訓諸弟殖學立身無褻語及
居官貽書恒以盛滿爲戒平生篤學問每於政事
暇卽讀書染翰不少輟所著有鳩鳴集藏于家予
竚稽

國朝有兄弟三人舉進士顯宦業如公門者不多睹
雖慶澤流光鍾於世德而開闢啓鑰所以成之者
公也公爲人高朗峻潔不與姜儒降趨而所至豈
弟宜民垂不朽利卽其當太虜入寇之時奮義動
事委命不二心使天假之壽得出入秉鉞贊謨詎

不當樹大勲德耶乃年未及艾而逝何昇之才而遽奪之速乎然仕不負所學而友弟肖子有以大其所施著于無窮雖不永年其垂裕則宏遠矣予因表公之大者以告李氏萬世子孫使知公起家之勲而不佚其休聞也歟

廉士黃三益合塋墓表

嗚呼是為三益黃君之墓君諱澂字世洪世居豐城荷塘為宦族入

國朝有諱仕幾者以予叅政公琥先任臨洮府同知

贈如其官長子諱暹號好古以經明行脩舉福清
縣學訓導生恩號東菴是為君之祖父也東菴在
邑庠以博學稱七試弗第見君性敏強記輒自慰
曰吾命固然寧復搦尺寸之管與少俊競進取耶
取經史子籍課君迺君日記數千言有聞君博記
者檢劉文安公策實併策學衍義試君君輒遍誦
不遺聲籍甚先尚書善東菴許仲文兄歸之嘉靖
癸未督學太倉王峰周公校吾豐秀艾補君邑子
弟東菴知石源朱君灝秋潭李君瑞芳遂經學命

講讀門下君皆學不間寒暑以故遍覽百氏盡嚼
其英華每遇監司按試隱僻論題及策問古蹟衆
多閣筆問君徃徃有賴其指示出處獲取前列者
無不感服三十二年今中丞太監聯泉孫公以御
史按試取高等大為所賞鑒竟坎軻場屋乃嘆曰
世固未有基之而不見其構播之而不見其獲者
吾祖父明經累行所以創基啓播者非不力且厚
也而予終無成非天地間罪人耶既乃退自檢點
平生所行可質神明而不為天所成我罪伊何晚

年益務身心之學守祖業其清淡非義事一毫不
萌諸念及于歷銓司其兄南松君濟刺許州姪中
溪君國用擢御史各貽書以古賢哲相勉無一字
干以私家故貧侃侃自植不輒萎却聞有假子名
干謁有司者嚴詞訓責各愧沮居家事東庵及母
張氏始終督孝道產業隨兄處分一毫不經涉處
族隣以和終身未嘗失色有怙強衆凌孤弱者曉
譬了了輒釋服以是人多其鯁直於嘉靖癸丑二
月二十六日以疾卒距所生弘治乙丑八月十九

日年止四十有八配即予女兄自幼莊重寡言矣
勤紡績爲鄭夫人所篤愛旣歸君朝夕勸奮志刻
礪且徹之曰若學不爲世聞人不惟佚祖宗書香
且孤吾父之知矣君用是傳力於墳籍無家累姑
老疾臥床一十四年躬侍湯藥不離側年久無怠
容御下以慈莫不樂爲之用有使交路拾金首飾
一件懷歸即令男持往原處候失者還之人謂賢
淑有自謂不然哉生于弘治癸亥二月十六日終
嘉靖壬子八月二十五日先卒年五十生子三長

國經娶鄒氏繼娶梁氏次國儒娶蔡氏邑庠生季
國幹娶徐氏繼伯瀛孫男某國經等於壬戌十二
月二十二日卜葬劍池鄉十四都地名交陂瀾巽
山乾向至是求予表其墓予惟好古齋并東菴二
世崇經畬積行誼不顯發光融至君殖學潤身蔚
然負鴻漸之翼而文兄又端靜不亢如鸞似鳳人
謂享遐福無疑也乃夫婦閉耀畜藏年僅如是寧
無惑於天道者哉語有之不于其身于其子孫予
固表而識之庶子孫聞而自振於明時益信積善

之果不為不利也

貢士沈兩川墓表

浙之烏程言孝弟篤行有家法者歸沈氏沈有太守少溪公燔令吾豐以循良稱予為諸生時相知最深及督浙學校湖州士暨輩由府學生塾與節甫由縣學生俱前列問之則知為少溪兄鄉進士兩川公子若孫也嘉靖乙未節甫取進士持督學憲副田公汝成所撰兩川誌銘請予表於其墓予雅重節甫沉靜樸木而益信樹立為有本也按誌

西川公姓沈諱端字光伯世爲烏程人自八世祖
諱德者由洪城遷焉要四傳至曾祖孝清翁濰歷
祖樂愚翁全怡父空菴翁汝梁俱有隱德空菴配
李氏生二子仲爲少溪伯即公也自幼秀穎絕倫
讀書一目了數行弱冠搜羅百家凡象緯纏度陰
陽消息輿圖險易韜畧正變罔不稽研尤邃易學
持以決事成敗多奇中爲文不襲套語多據自心
匠其爲庠弟子視同門獄獄無所讓諸督學按試
輒前公久之同門相繼薦去公遂巡連不遇至正

德已卯始列薦書又屢北禮闈嘉靖壬辰公年纔
四十四以周易筮之遇家人之賁玩詳占繇遂絕
仕進念有規公者曰君勤渠一生而長駕中稅寧
不負初心耶公曰嗟乎諺有之歲計疑於春前世
計定於壯年出處何常相時而已初心寧足泥乎
遂築室淨几左右圖書日哦咏其中或屬意山水
卽乘興浩往混跡漁樵中竟夕乃還暇則以所感
激發為詩律古選類雅潔有瀟灑出塵之風晚攻
史學欲以外紀前編遷固而下迨及宋元無采雜

記文繁補畧鎔其體裁會為一家業已草創至丁
未正月十四日以疾格距所生弘治戊申十一月
二十三日壽六十得疾之日集諸子孫而言之曰
吾將觀化矣吾命無飛祿惟力食可以少延吾之
壯年勇輟者正謂此也數今日盡矣蓋公遂易學
故命數亦旁通云公性孝友敦實踐空菴素剛毅
嚙嚙稜察公事之柔聲婉容得其懽心母李病消
渴醫輒不效乃躬檢醫經考藥性訂方爲治母病
獲久延少溪出後於從文輿議謂不當受空菴產

公毅然曰均吾父之產也豈忍獨享悉推而與之
置祭田供歲祀使族人之貧者得合食於餼餘交
鄉隣煦以和睦腹中坦坦不蓄鱗甲人有過亦輒
戒飭不為媵阿態以是宗黨皆稱其高義云孔子
曰假我數年五十以學易可以無大過矣夫孔子
至聖猶欲假年學易以求無過況於世之靡靡者
乎其未第也掇拾前人套語以倖一捷及旣得之
則棄所有如弁髦然至白首衰髦而遂嗜不返以
其未明乎易道也公以宿學薦于鄉使必需歲月

可取高第即不第亦不失為良守令而崇顯可俟
乃壯年嘉遁若蟬飲露而脫焉豈以聲利為腐鼠
故逃之耶其於消息盈虛之機進退存亡之道必
超然解悟有非衆人所能識者使為士而識此則
必績學俟時不竊古以規進使居官而識此則必
殫忠共職不媚勢以貪榮而人才風俗不因悟易
可以無過也哉公墓在熟字園之原其世譜履歷
則誌已詳獨其深明易道知幾以時而三子伯塾
仲墅季圭俱能以所學俟用長孫節甫已青年取

進士諸孫育于國學郡學者如蘭斯然謂天佑善
人不于其身于其子孫者非耶因特書表之以志
予之所感云

河南道監察御史董晴谿墓表

嘉靖丙辰三月二十三日侍御晴谿董君卒年六
十至今癸亥有弟諱琇者銓補雲南按察司經歷
將卜塋君于藍山持狀求予表其墓予與君同登
壬辰榜進士追惟丁先母鄭夫人憂苦次山居不
與聞外事君以御史按吾江右清理戎伍志在振

紀綱彈折奸慝不避強禦初按一二府訪官吏有
侵牟為奸及耗亂不職者輒寘之法褫職謫戍不
少貸以故闔省大震自知難倖免者不俟按臨輒
先引去時士民畏君風稜峻截不敢仰視乃君獨
敦禮先尚書如子姪然先尚書謝不敢再謁君謂
曰令郎峻義軫不落塵超今見老伯若此盖得於
家教多矣雖日相見何妨未幾君以母憂歸予亦
起復補寧國府推官因有公事於徽取道訪君故
里君痛悼在疚未及詳時事惟云在江西以剛直

忤要人今禍延老母寧復有結綬念耶匆匆辭別
嗚呼言猶在耳詎意遂成長辭竟作土中人耶君
諱瑄字子純晴谿其號先世居江西德興有諱千
八者從居宣州涇縣陳村至十七世祖念五改居
中村生仲原仲原生執中執中生元亮元亮有三
子伯志善仲志道俱以尚粟三千石濟荒有司上
其事

旌表其門曰尚義志道生子八人三諱綱任僉憲四
諱傑號玉城由進士歷都察院副都御史巡撫江

西即君之大父也五城生鑣鑣慷慨尚義見重鄉
人娶氏生君君自少英邁不逐兒童群戲喜讀
書為文輒立就有驚人語五城公甚奇之曰是兒
必能振拔自樹者吾未竟之志其有待乎年十七
督學莆田黃公如金按試補邑庠弟子自甫二月
失怙哀毀瘠甚事寡母竭盡子道百方承順惟恐
少拂其意時二弟璿方十二歲璿方九歲君躬自
教迪谷底于成家值剝落屢遭族人構誣內變橫
生君處以退讓皆產被侵奪者悉置之不較乙酉

領應天鄉薦赴春官弗第入大學為大司成增城
湛公少司成常熟陳公所器重掄為會長督諸士
學業多所觀法壬辰舉進士除知浙之海鹽人謂
地雄民喜訟善持吏短長倅難就理公嘆曰嗟哉
夫民猶子也以父母之心子之有不親若父母而
服其教訓者乎至則知虛糧繁重困追禁者逮二
代乃覈田追稅貧民得甦者數千家海塘被水衝
塌長三十餘里每遇潮漲過塘嘉湖蘇松數府並
為巨浸君曰是可已哉已則無民矣節裁浮費積

罰贖殫力築堤至今為百世利性嚴明善所情為
微賤有眉冤錮滯幽獄者數十人片詞廉訊悉得
其情而釋之一縣稱為神明閱三載廢墜振舉不
入義外一錢撫按交章薦之徵擢河南道監察御
史在臺中正色立朝不為姸阿態御史大夫浚川
王公東塘毛公俱嘉其有氣節後差江西巡察蓋
假君以重君竟以剛直為要人所忌及母喪服闋
大守鳳崗曹君邁促君北上君辭曰丈夫立朝當
明目張膽以報國恩而但萎腴咋舌與世浮湛豈

御史體耶吾其已矣乃構一亭於宅畔曰樂善又
於宅後立亭曰忘我軒旁植松竹中列花卉朝夕
與居暇則集子姓課藝績學以紹五城公遺訓足
跡不履城市於是士大夫更賢君養晦之有道云
配左氏卒於京師妾倪氏李氏子二曰紹繡娶翟
氏大學生次紹緯娶章氏俱再卒倪出女一適今
太常博士鄭君欽親弟鈺李出孫一曰永祐君居
官卓卓以剛直聞在林下一十八年處兄弟宗族
雍睦無間言因二妹一適渣湖蕭煥天一適蕭少

叅男儲夫俱早年寡居守節尤切卹念臨終以不
及請旌為恨嗚呼若君者可不謂孝友天植哉予
獨於君出處之際蓋不能不於世道而有感也昔
唐相姚崇表齊澣為監察御史澣彈劾違犯先風
教當時以為稱職君慕古人風烈侃侃無所避却
乃詆為深刻而淵淪以沒不獲遇賢相雲升展其
彈劾之志非命也哉予故撫其大者章之墓道使
覽者式之益信剛直之未為失體也

鍾壩堂摘稿卷之十五終

鐔塘堂摘稿卷之十六

明光祿大夫太子太傅工部尚書豐城古和雷禮著
行狀一

大宗伯歐陽文莊行狀

公姓歐陽氏諱德字崇一號南野上世由長沙唐
刺史諱琮官吉州子孫始家於吉後自廬陵永
和徙萬安常溪又自常溪徙泰和蜀江五世祖諱琳
有文武才國初為統領從大將取贛州歸不願仕
高祖永清膺聘除涑水訓導靖難師起棄官還南

上言大計不報

文皇御極追論不能效順謫成興州右屯衛曾祖諱滌
號百歲翁滌生時勉時勉生庸號巖翁是為公之
大父父也並以公貴贈通議大夫吏部左侍郎兼
翰林院學士巖溪娶蕭氏累封太淑人初蕭淑人
有娠夢居巷中有巨鱗長與巷竟已而驚寤及誕
夕巖溪夢長髯客引青衿子百數輦造門款訝成
禮曰是皆公兒輩也人以為奇兆云及公生神穎
英拔讀書一目數行下輒誦記不忘七歲遊九曲

溪見老嫗浣衣盤湮爲水衝去覓見善水者求之不得公冷以長繩繫衣仍浣其浚隨水去止即掣之前失衣與後衣遂結連而止衆驚無其不九九歲以竒童聞縣尹延致邑庭見公禮度閒雅如成人以遠大期之十三補弟子員爲舉子文自出機軸耻蹈時痿習嘗曰作文貴寫出題意有如傳神使形貌具而精神亡終不類也會空同李公督學試之見其文愕曰茲非力振大雅以舉業中興者耶列高等呼置左右論文名動一時二十一舉丙子

鄉薦自以學未大成不赴春試聞陽明王公講學
虔臺條舊所學質之遂執弟子禮楊明見公負英
氣誨以謙因扁譙齋自勵時貧甚麤粥朝夕有太
所甚不堪者而專思力踐毅然自任以道不辭也
陽明期托甚重凡四方稟學者必令就正於公會
陽明平逆濠去虔公復不赴春試退居山中日與
來學者切劘聖賢要旨足跡不履城郭壬午今上
蒞極政令維新始出赴試過縣辭尹尹謂曰聞先
生素貧而某官此數載不得一刺他日所造非某

輦所能窺也公曰非敢為名高守古人非公事不
至之義耳及道浙值陽明憂居欲留卒業陽明不
可乃偕水洲魏君輦同北至明年癸未同第進士
共賃一馬更僕出入退即會友講習檢所為事櫟
括於心酒食徵逐不與也未幾授知六安州州有
衛衛帥踵舊習驕蹇又有鄉士夫性難近或語公
公曰吾患不能立政澤民而暇與人爭閑氣妨民
事耶並不與較未逾月憚公方正惴惴焉守禮惟
謹公初至州值歲大饑州廩空竭乃捐俸歲之半

以倡僚佐復下檄勸借於民銀自一錢以上至兩計者十而止米若穀自斗以上至石計者亦十而止願應令者聽自署多寡於籍揀富力司收貯又恐嚴於審覈則饑民不待賑而死矣乃率僚屬師生分詣城中四門及各鄉公所設粥場多張示諭令饑民尅限就附近公所報名先期置方票次第印鈐之以號每場給若干紙約來報者卽為填註里甲戶名饑口多寡仍別為籍次第如票記之卽留粥場日類票赴廩支米給粥日三次令就食者

十人爲甲百人立之總各領旗號緝列有序也坐
一處以待給食戒起立者即寐其盂冷不得食於
是衆無敢譁食得均足凡三月全活數萬人會
朝廷發帑給賑乃省不能治耕者請於上官各給種
牛錢使得復業尋大疫復慶給湯藥督醫徧視民
多賴此不天時元山席公捧

勅賑濟嘉公方畧以狀聞于朝公因連歲荒歉大興水
利而遵化鄉有草鬚堰者舊灌田千餘畝歲久浸
廢及令民修築其強有力者欲多築而私之遂相

爭訟公爲躬視召父老驗田券計畝多寡分土築
壩量遠近上下分日取水皆欣欣稱便先是里甲
拮公私供應乃免其身役爲會終歲經費之數每
里約出銀若干貯之官每季月四分徵二選義民
主其出納私費無得預以月終季終親爲閱算酌
盈濟虛不爲民厲驛傳夫免役銀舊僉兌頭沿鄉
徵之鄉户不勝累輒亡匿兌頭至破產代輸公令
民各赴官自納兌頭第司貯籍數足即轉輸于府
而宿弊遂革州養馬兒馬每年視騾馬費重每歲

徵銀本色折色輕重不齊戶買馬輸官各獨任之
遇有損賠利害尤懸乃累糧畝令五戶為一椿養
兒一騾四歲徵銀總本折草料率二十四兩通計
所納給領買解或有賠償五戶共之輕而易輸稅
糧舊拘五則每石重者一兩輕者六錢四錢人多
避重就輕猾緣為奸乃令戶皆以五則徵之糧無
多寡即石斗以上派納惟均民恪守至今公錢出
入舊各有兩簿一存私一候勘公捐私簿出入各
置簿一自一錢一帛以上無不登記或難之公曰

使費出于公即上官獨無人情乎如其詭數售欺
何以令下况置公錢簿即欲自冒分毫不可得此
於自防閑亦甚有益非止稽檢吏胥也應得薪俸
亦置簿如公錢吏司出納凡私費私餽取辦於此
或詰為矯公曰吾寒儒素無一錢之儲內人驟見
俸入動十數金恐侈心妄費吾節縮贏餘將以奉
親也俗雜軍民囂于俗為立號簿凡告詞准聽者
令民一詞即投二紙一鈐號存公案一判付追呼
者或情輕即付原告令與犯者俱來如其忿釋者

聽而訟日以簡焉境西界荆梁二省兇徒負險為盜不可跡捕有龔萬倉者奏楊道蔡百數事下府鞫經年不能結公揭示于衢諭令自投未幾羣兇聽命一切待以寬法各輸誠而決自是境內不聞吠聲暇則進諸生赴講下解說經義復撤淫祀改建龍津書院以伊川子端中死事于六遂祀端中而推祀二程以示向往羣學者講習其中增修社學令社師訓童子習冠婚鄉射之禮時過勸督之又因臯陶昔封于六祠又湮弁名宦鄉賢二祠無

址俱度地修建崇祀久之政教大行監司牒核諸
州縣事定跡徧江北所至不忍效俗吏操苛切賈
能務存體恕時監司欲置一人重法公不可再駁
卒如前擬雖忤上不恤也後部使者過六不復止
曰有賢守在民亦不復上訟丁亥擢副刑曹會大
臣以翰林缺人薦公文行兼長遂與宛洛韓公甫
川張公乂菴黃公同升改公編脩至則閉門讀書
不隨俗刺候見山桂公呀之公曰辱公知愛豈敢
自外但無所質請唯唯而進諾諾而退覺顏慙耳

見山公益加挹重值纂脩

大明會典分館編摩獨稱詳核後議郊祀倡議者約為
已助公曰吾未信於心不敢苟同乃上稽三祖創
守之意援據周禮參酌時宜上之大意謂古不可
倖亦不可泥禮文乖錯未可盡據而土木一興財
費不貲惟益脩勤民之政上克當于天心深致舉
羸之戒下不傷于民財異郊可也同郊亦可也於
丘可也於屋亦可也無已則請仍大祀殿以祀天
而日月等天神各為壇以從改山川壇以祀地而

山川等地祗各為壇以從庶古禮不悖而

祖制亦不廢矣禮部叅取公議上不果用識者是之辛

卯秋薛中離草䟽欲迎

親王建府京師代執鬯勞太常卿彭仁卿見其䟽欲
以此傾桂洲夏公誘中離上之賴

聖明燭彭奸而公與夏俱為彭誣引繫詔獄三日乃得
釋先是䟽上之日中離夜過言其事公驚而責之
曰

主上春秋鼎盛螽斯麟趾之慶未艾臣子忍有他言且

古人父子間猶稱善處萬一

親王不善體上意致孝慈不終如國體何公一身危
禍未論也事不果行即大幸矣且彭仁卿旣稱出
君相意何不自為之乃以首功讓公耶此其意將
無借公為他人餌乎中離始大悔而別及廷鞫或
薄詰是夕所語公但云語甚多太要以為不可遂
不具陳後有問者公曰吾當時若詳述徒重

上怒且為友之道亦不盡矣衆咸服公當患難時從容
有條如此壬辰推南京國子司業舊規諸生月課

專送司業批改公令輪日造館下講課畿甸秀艾
聞其風者全集乃度舍隙園為講亭日進來學者
同六館士講業於亭諸生顒顒嚮風時號舍多圯
士至栖止無所移文工部修理之僅足內號而外
號不能修令諸生各量力分認修葺居之驗費籍
記滿去則量減原價判續到者承貼以為定額又
監差勞逸不等請托求逸者無虛日乃分其事為
四等求極閒者必先認極勞事其認次勞者即得
次閒而請托遂息先是六堂官教尼不行諸生但

遇升堂一揖而去至有堂官不識面者令諸生日
以課呈本堂師講論然後質於公公又進諸堂官
與之論所以脩己教人者由是堂宿咸知刻厲而
職守不廢在監三年僚長凡三易曲盡事衷之禮
不市恩推怨而僚長亦服其有道諸生有貧病者
量為周恤甚或親視醫藥願就職者不肯留其親
老願歸省者遣之蓋恩義兼盡如此乙未遷南尚
寶卿公揆時不合連疏請告不允戎戍擢太僕寺
少卿公具疏送親還鄉有終焉之志當道亮之尋

改南京鴻臚寺卿公奉巖溪翁命遂抵任逾年翁
卒于官邸奉柩還家壬寅服闋以蕭淑人年逾八
十不忍暫離留家侍養與雙江聃公東廓鄒公念
菴羅公上下青原玄壇梅坡諸處講明所學要以
不欺獨知為本自是海內學者尊信益衆丙午冬
公用薦起復為南京鴻臚卿以母老欲乞終養蕭
淑人不許乃奉蕭淑人以行尋擢南京太常寺卿
已而國子祭酒缺改太常卿掌祭酒事復奉蕭淑
人入京既痊病習汨沒帖括套語引之于道園而

聽者如渴得飲以去未匝月擢禮部左侍郎即受
上知眷春秋祈報數遣祭宮廟

孝烈后發引特遣永陵監禮尋改吏部兼翰林學士掌
詹事府事

命教庶吉士公曰是皆儲養以待他日大用者可無令
務學敦本而徒以文藝爲也每程課之暇令聚坐
一堂體究身心之學諸君後分曹任職咸能服公
之教光明于時纂脩

大明會典充副總裁官協心研究博稽謹書裁訂體例

綱舉目張而一代之制煥然不磨

上崇奉先聖先賢於永明後殿後移復文華殿前後遣
代拜者數焉庚戌春與龍湖張公同

命主考會試懲近來業文者矜奇衒異不根經訓故所
取多崇雅實得人為多既蕭淑人卒于京值暑月
扶柩南還哀毀骨立得痰火疾至辛亥春合葬於
巖溪翁兆廬墓側督工封培為之廢食歲逢忌日
悲泣不自勝于是痰疾益增于舊壬子春

上特召公代少湖徐公為大宗伯令終制赴

闕留少湖公暫視部篆以待公聞命感激益切曰吾二親均被

寵榮已過涯分今復憐許終制所謂使臣以禮臣子捐身未足為報矣既禪除遂促裝陸馳趨謝

闕下踰月遂召入直

上有諭或稱大宗伯或稱秩宗而不名蓋殊恩也初公至衆咸以國本為重會

二王選婚公具疏稱

太祖皇帝以父皇婚子就禁中成禮

孝宗皇帝以兄皇婚弟乃出府成婚乞從

祖制成婚禁中旣而同輔臣奉

密諭未得

俞命遂疏醮戒命詞有承宗承家之文請賜裁定

上察知公意有旨釋吉冊立分別成婚及疏上復奉

密諭乃疏請二府職官不必舉設又請立

二王應行禮儀并請務學親講讀管及請賀

萬壽節人皆服其忠悃遠識云癸丑冬具疏請建立示

僚佐未及上會元相介溪嚴公疏請不允復申諭

五臣戒勿再瀆言甚決公乃止

康妃杜氏薨公謂妃誕有

裕王當加厚乃擬照

憲廟淑妃紀氏例以上請不允及奉

諭議服制且令酌

賢妃鄭氏例於是再增上請然仍從厚典後又請為

特建墳園以別諸妃示優崇

上皆允行時

宗室蕃衍往往悖違

祖訓冒犯無忌公曰祖宗約束宗人有成憲要以保全
親親之恩今玩法若此後且奈何舊例越關奏事
者部遣使護還撫按覈報所奏果誣罔然後革罰
送置高牆而往返所經護使輒導之為雲和同年
利以為得計公乃請但越關者為考驗所奏先降
為庶人示以罪譴部使不復遠出所至之境府倖
交迓約束無益肆擾於民蓋自是無所得利而罪
不少貸犯禁者漸寡公又慮高牆生齒日蕃而置
無忌恐聚人太多可虞且鳳陽供應告累又凡發

一人中使自京銜命取押往復騷擾乃因靖江王
越關當置高牆者議上勿遣請即於其國擇寬隙
地立閒宅一區多為院舍繚以棘垣嚴為宿鑰凡
有罪者置之防守供應略倣高牆之例使不得恣
虐并令天下有王府州郡儼行示戒庶預寢其邪
行焉

秦府有中尉女請封號者公曰

祖訓郡王孫男六世以下世授奉國中尉而孫女則縣
君鄉君之號止於曾玄五十以下即無世授之文

蓋男女厚薄恩當殺別今觀邵王之女祿視曾孫
其玄孫女僅比六世孫而二祖時親王祿未俱不
全給天派日衍稅糧有限

祖宗固有深意況將軍中尉增封日多民間稅額不加
於舊重以兵荒連歲即當給者且擴時無措顧欲
於

祖制所略者隆其恩澤乎且自六世以下將無限制矣
以不足之人應無窮之需識者既為目前深憂如
他日何稽制度時未見其可乃請斷自五世以下

授宗女宗壻名號止給冠服婚資聽其自便以治
生業才可應舉者亦所不禁

崇陽王以罪賜死例不得承襲又

祖制郡王絕嗣者止許宗支以本等官職奉祀而崇陽
子比他

郡王例奏乞襲祖爵公曰此一王封則天下當封者
多矣非政令且祿視將軍倍多民亦不堪今

郡王之得繼絕者三人皆分封別城將軍爵同不能
相轄事體不得不然而同城有

親王約束者即不須復繼乃疏

請申明禁止庶人口糧計口分給其多者視中尉反或
倍之由是輕罪犯而擅婚花生者雖禁之不止公
曰此例糧多耳為酌定庶人糧額視中尉三之二
而擅婚花生傳生者以次遞減又限妾媵酌其子
女多寡三子以上者各減其父之半給之世數遞
遷全給減半各視其父以為定則凡諸疏上皆允
行而識時達權有天下陰受其利而不見其迹者
初宸濠謀逆國除當時守臣謂府事宜推賢管理

屬之弋陽王及王薨而樂安建安二王爭欲得之
三府諸宗儀攻訐奏擾或倡危言幾釀成大禍公
曰凡稱國除則無復有府矣而何得復有府事之
名今稱管理府事則是名為郡王而有

親王之實於義大不可又三郡王不相下以故必爭
乃疏請三王各治其府諸郡王府以罪除者將軍
以下各從親疎分聽三府約束而爭者帖然頃歲
倭夷之擾公甚憂之曰借兵選將此目前急務可
含忍混貲為後日疽根耶會有言詔朝鮮王移責

日本於收戮入寇之徒者公執不可曰倭奴誠可
罪然聞入寇者大半中國民今內治不嚴而徒責
外順彼將有辭且詔安知必達達矣豈能必其欽
畏徒損國威耳況

祖宗時禁外夷交通奈何導之通耶事遂寢甲寅春三
月公在直夙夜焦勞為寒暑所中疾日棘既汗之

三日

遣中使齎賜問疾公促叔子紹慶為草謝曰

主上待我以殊禮若何可報尋病篤不起語不及私計

聞

上月震悼命所司議恤典既數日猶手諭嚴公問病故
狀益深惜之云公生於弘治丙辰五月初二日享
年五十有九娶康氏累封淑人子四人餘慶蔭國
子生紹慶中江西壬子鄉試第二有成懷雲塲女
二人俱殤側室蕭氏子一衍慶殤女一許聘嘉興
太守郭平川公次子孫男繼曾宗曾殤宗符宗翰
宗發宗翰娶今大理寺丞鵞山張公女孫女三公
襟懷磊落爽愷學務躬行不慕高虛溺詁訓在南

雍巖溪翁迎養性樂踈散公以歲時拉親友侍翁
遊陟鷄鳴鳳臺諸勝甚懽適翁念伯兄諸孫艱厄
公竭力為婚娶量才給資使有所業後數歲翁念
叔子及其二孫久未見乃捐俸二百金為叔子援
例入監因令携家來侍以悅翁意臨子弟莊見者
必正衣冠泣之對妻室亦未始有狎容僮男女必
使業耕織各以事振不敢坐食帥子姓以敦睦有
為不義者不面加詬斥務養其耻心婉迷古今事
美惡致規聞者漸沮與人接談絕無崖岸即田夫

賈客皆得親炙知納于善居近有浩溪驛村中貧者咸倚驛役為生計久而驛并於縣村民惆悵失業公乃因村處之各無失所會歲饑乃議置社倉捐銀買穀散賑令來歲收穫時酌資饒取償或止令償本或薄入其息或遂給之不責歲以為常擇二人為社正每姓各擇一人為社副以悉知其家之困乏者穀償則徵實明入籍其數歲稔則度才領糶取息以備來歲至是一方有賴無痠死者病薄俗恣為陵暴乃集里井為條教約束之大要正

名分崇禮讓戒鬪狠息爭訟守本業杜侵奪其敦
行禮義者雖貧下必加獎待使知所趨又為立保
伍法申守望相助之意後邑中饑盜羣起而浩溪
村獨無夜呼者性尚儉約自命服外紉綺罕御一
切珍玩無所藏臨江築樓數間其旁舍居魚鹽藥
餌諸器物工賈以待來學者嘗曰子弟使常親賢
士大夫而青衣不至其門即訶訓不煩與蘭俱化
矣平生謙虛取善見腑肝及為正卿於部政悉與
僚屬商確無所隱事有當行不復留難法所不可

即請託不為移明政達變善藏其用雖倥偬填委
沛然應之各中理尤志存經濟為天下遠圖直禁
內與二三元老協心一德期致太平而夙夜靡懈
至斃而後已嘗應制有敬天監疏瑞應疏靈雪詩
昭格賦內訓解諸作皆寓獻納之意而翁之學一
出於正書非正不讀言非正不發其本諸性情措
之事業皆為實學所著述有若干卷藏于家餘慶
等扶柩南還將以卒之某年某月某日葬公于某
山之原屬某狀行用求當代文章宗公銘潛德於

幽宮彰世代于神道某辱公門生不能窺公萬一
謾撫大都于右以備采擇

前大宰熊北原行狀

公諱浹字說之號北原姓熊氏南昌東壇人曾祖
秉治以善聞祖邦敦學行弘治中有司應

詔舉遺逸弗就鄉人稱爲徵逸先生父佐由府掾授淞
江壽昌縣丞陞判安吉州事所至有惠政俱以公
貴贈光祿大夫太子太保吏部尚書曾祖妣姚氏
祖妣萬氏俱贈一品夫人妣萬氏累封至一品夫

人公少力于學以儒士舉正德丁卯鄉試第甲戌
二甲進士授禮科給事中歷陞刑科都給事中凡
八年毅然有林時意己卯織人導

武宗南狩公首倡朝臣伏誨不輒回畏先是江西宸濠
蓄逆謀巡撫孫忠烈七疏其事皆為奸黨隔匿公
與御史熊公蘭蕭公淮等密計發之濠懼情露速
反尋就擒由公早伐凶萌以致羽翼未就而殄滅
若是其亟云續奉

初查盤四川錢糧竭精檢刷不落吏胥手時有松藩總

金史卷一百一十五 二
兵某怙勢牟擯其下賊以萬計公廉實劾聞寘以
法壬午

今上入繼大統討求推尊大典朝論多以宋濮王故事
為言公在蜀聞之抗疏謂

今上以弟繼兄而非以子繼父比之英宗親為仁宗之
子者固大不侔而

與獻比之濮王不復為英宗之考者亦為有間反復以
倫理辨之與時議異尋出為河南右叅議至則恤
瘼撫亡禁刁訟毋令滋偽屬邑有巨盜為亂授衛

帥除之闔部肅然會父憂去官丁亥

欽取纂脩明倫大典懇乞終制不允服闕始就道至中途陞都察院右僉都御史協管院事明年陞本院右副都御史未幾大典成陞左副都御史

恩封三代己丑陞右都御史掌院事風采凜凜臨義不可奪值考察天下官員有陰受要人旨欲誣黜一二快私忿者公力爭不可善類因以保全者衆七月東廠奏緝張鑄人命事奉

旨下三法司會訊衆多依違公獨奮筆曰吾為法官殺

人媚人弗為也白其枉以聞既忤中貴意而執政
有藏嫉者擠之遂得

旨閑住己亥起陞南京禮部尚書巡撫江西都御史克
齋王公䟽乞表章句容朱家巷

旨下禮部行南部查勘公以日久跡湮據實題寢其議
識者是之庚子改南京兵部尚書叅贊機務例核
軍政秉公去留無敢以私撓者上河龍灣淺船餘
丁舊沿幫甲累甚苦之奏減甦其半諸凡地方利
病次第罷行留都倚以為重癸卯召為兵部尚書

兼右都御史掌院事初各道題差額求私便公曰
綱紀之地將糾官邪乃先自枉耶題差各稱其才
人亦服公之公直適報虜警有巡關者托疾佚常
城公令首領刻限催責出巡各省有一二巡按御
史擅威福操一切貽書指摘衆用悚惕凡大小官
民赴闕訴情審有枉抑急為移讞若出勢囑者一
無所從甲辰改吏部尚書前後升敘流品同少宰
兩洲王公少湖徐公及司屬議協乃注不憑臆決
會例考京官專稽行檢於素干清議者即黜之或

一二直道被仇構誣務雪白乃已每註選缺或不
相宜必語所司曰地遠且惡得無虧此官乎更易
其地不以為煩至於孤寒子立之士務獎拔之惟
恐墮落為

聖世界南北直隸多內臺中差各欲擅熱柄炫威名每
歲周刺屬苛索瑕疵求塞數往往有負枉以去者
公題

請只於專職所屬論列不許濫及著為令自是州縣官
各有所恃以不恐入部總數月蒙諭同輔臣每月

望日朝見

東宮又屢被

命遣往

帝王及先師孔子等廟

帝社稷等壇行香代祭俱出

殊眷乙巳六年考滿加太子太保

廟工成又推

恩封贈四代尋以母萬夫人年九十乞終養蒙溫旨勉

留仍

金史卷一百一十五 列傳第二十五
詔有司以粟帛存問尤為曠典云公感遭遇之隆殫忠
圖報於事關國體者知無不言言無不盡八月以
疏斥箕仙之妄忤

旨戴罪視事至十一月乞休蒙差官校解發原籍為民
居田野八九年足跡不入府城每見邸報知時事
災異輒憂形於色甲寅年九月二十四日以疾卒
距所生成化戊戌年四月八日享年七十有二配
劉氏累封至一品夫人四男云云之原予家食時
聞公傳信義挺挺有節操訓子若孫必以孝悌為

先見威里匱窘賑恤如稱及有挾勢凌轢鄉人者
嚴辭峻戒甚或直言於有司必令寔弱得所已嘆
公嗜善之篤及叨銓司見公虛心取善若已有之
或用人為一二所欺聞僚友讜言即悔改甚至禮
以狂言激怒尋怡然釋謝且獎之曰今後務以道
相規無以某怒曲從其忠厚正直類此政暇手不
釋卷尤篤信程氏遺書每諭後進不可不熟玩則
公之臨大事決大疑確有根底謂不本於此哉某
惟前輩勲德賴門生故吏闡揚之不致湮沒公言

行若救粟布帛皆濟實用其立朝大節及居身盛
美朱易殫述謹極其既以俟慕公者采擇云